

據梧集

卷之二

袁後卿



温州市图书馆

75.45
索书号码 1504.3

登记号码 09868

共1册

据梧集

共 2 册 存 2 册 排架号 8222

上海商務印書館
代印

序

己亥庚子之間余從張季直識吳彥復復從彥復識陳子言子言拙於言而工詩與客刺刺舌所不達恆代以筆至於伸紙動墨氣勢勃發若干莫出匣森然其不可逼視也若黃河下流一瀉千里也今年余三至上海嘗置酒天韻閣子言則有詩余爲內子作話荔圖子言則有詩余得先巢民徵君菊飲詩卷金山人爲補圖子言則又有詩蓋余三至上海子言凡三稱詩焉子言父祖皆宦粵中粵中世交若于晦若若文道義若張鞠生若汪穰卿之數子者或仕或已要其聲聞皆足以襮於當世子言獨憔悴江海行吟自若藉非彥復吾幾失先友之後有能詩鳴之陳子言也子言少孤露年十五始從粵歸廬江廬江人鮮爲詩者以其不事生產也或加譙讓子言掉頭不顧獨以詩爲性命於當代詩人輒欲一見顏色而賢豪長者亦以其有是癖也恆樂顧之幼時所作規撫中晚又沾沾漁洋神韻之說流連景光蹊境未化有規

之者曰人生百年當卓然有所自立何為蹈人窠臼局促若轅下駒哉由是
意氣一變因事屬辭適可而止當其合作蓋駸駸乎升少陵之堂而入蘇長
公之室也子言之名未知異日者較晦若諸子為何如然其詩則固足以傳
後矣既歎彥復之能取友又以喜吾黨之德不孤也因爲之序
光緒二十七年冬月如臯冒廣生

[Faint bleed-through text from the reverse side of the page]

盈耳假蘇假王孟洪北江曰今詩人雖多然除幾人郊賀問真源寒鐙照卷

一長歎短褐風霜陳子言浙東宋恕

貪多愛好說王朱畢竟漁洋才筆殊深得溫柔敦厚旨廬陵能及二陳無吾

傳梅根名家鼎詩
少陵

儒釋陳言盡入詩更夸奇博效侏離何人驚坐譚風雅墜地斯文望子持長

沙饒智元

吳淞雜詩

小醉初醒倦眼開。西風黃葉下蒿萊。一溪烟水暮鐘動。紅蓼欲花新雁來。
散步江村菊滿枝。一灣秋漲碧參差。臨流忽觸懷人思。疎柳寒鴉欲暮時。

歲晚有懷

長風浩浩雁飛遲。隴上伊誰寄一枝。愁絕江南望江北。鼓寒霜重月來時。

梅花引

銀釭燄冷蘭膏歇。玉虬噴珠海水竭。仙姝縞袂下天來。獨倚危欄看明月。幽
香一院東風緊。鸚鵡驚寒宵夢醒。錦鱗無信泣孤鴻。空谷佳人拂瑤軫。

西施曲

湖上春風楊柳垂。遠山如黛鬥蛾眉。胥臺二月飛鴻少。采得當歸寄阿誰。

水仙曲

三山角立勢崔嵬。一樹幽花向客開。夜半月明風更急。成連海上刺船回。

夜歸

天遙獨鳥沈。風勁長河夕。羈心逐烟水。蒼茫遠山沒。沿溪夜鳴榔。一犬吠寒
月。

雨夜有懷

迢迢烟際鐘。孤燈耿明滅。餘寒黯如水。雨絲忽成結。敝衾擁深夜。好夢久相
絕。風泉發清音。美人弄玉屑。

偶作

亂峯雲絮忽吞吐。綠陰如幕落花舞。空谷烟深不見人。林鳩盡日啼春雨。

驟雨

羣龍破空來。巖上雲相逐。勢挾銀河翻。繁聲噴珠玉。蒼茫暮鐘沈。寒烟颺林
綠。一徑落花深。流泉下空谷。

北山樓晚眺

08222

鳥聲忽清絕。疎雨過前峯。斷澗水流急。綠陰當戶濃。茶香浮石碾。嵐氣合巖松。散髮風前坐。叱盧送晚鐘。

渡江

揚子江頭浪拍天。石頭城畔布帆懸。榜人放溜日將落。烟外數峯青可憐。

南望橋

鳴笳度橋去。時聽水聲響。小市午風腥。漁翁閒補網。

過臯橋

碧琉璃水淨無塵。烟柳依依似好春。三度伯通橋下過。亂山斜日更無人。

初秋舟行曲港中苦熱殊甚

修梧倏已凋。叢葦依然綠。高岸束渾流。孤舟墜深谷。烟中雞犬喧。隴畔禾麻熟。涼風期不來。秋聲在叢竹。

舟次江陰風雨不得渡仍循南河而歸

靈虬曉寒銀箭灑。鼙鼓沈沈風雨急。江妃海上未歸來。一洲瑤草無人拾。鏡裏迴帆唱鷓鴣。亂潮如雪打菰蘆。明朝重過新豐市。誰是當年舊酒徒。新丹豐陽

最美酒

過焦山欲謁焦隱君祠不果

瘞鶴何年事。名山倚夕曛。松篁出霄漢。樓閣沒烟雲。清梵風前斷。遙鐘月裏聞。靈祠今不見。惆悵說夫君。

一峯聳孤秀。蒼翠絕人寰。便欲從君去。長歌於此間。莓苔幾兩屐。深竹一房山。惠遠應如故。航謂芥風泉盡日閒。

題北山樓集

天涯一舸載鴟夷。誰憶相如諫獵時。料峭西風吹短鬢。江南黃葉雨絲絲。

北山樓雪後呈彥復師

山館曉無溫。相驚夜來雪。凜然天地閉。池冰忽已結。風高羣木瘦。日黯遠山

滅庭梅紛著花浩歌酒初熱

秋日書所見

餘蟬噪殘暑池水不盈掬堤柳瘦於人蕭寥古城曲

太清樂府六首

青童謠

離宮沈沈三十六王母雲旗照深竹清夜傳呼召上元金根玉轡紛相屬上元肺腑誰與倫明朝却立青童君神龍酣臥忽驚覺噓氣化作寒山雲南箕張吻復何補猗猗當道龍守府

天魔舞

日車欲墜崦嵫道后羿彎弧向天笑黔首惟知彌勒尊黃金更建立元廟碧城深處廣場開天魔舞隊紛然來罡風怒吼有時定劫灰萬里飛塵霾

析木津

參旗出沒河鼓明蚩尤斜指析木津天衢高遠黯無色阿香隱隱空中行靈虬夭矯來何處蜃氣蒼茫結烟霧瓊花玉樹條凋殘盧龍一道西風寒

二鳥行

鳳皇巢阿閣鸛鶴日夜鳴飛鳴引彼族阿閣勢欲傾鳳皇端拱如不聞百鳥結舌皆無聲鸚鵡翩然來再拜反覆陳孔雀盛文采寂寂肯自輕一言甫出俱殺身君不見烹鴻煮鶴胡乃似嗟嗟疇識微禽志

璇宮織

君住天河東妾住天河西明明一水不得渡隔河隱約聞天雞流水湯湯風雨淒淒青鳥傳書來要我斷却軋軋雙鳴機司耕司織各有役妾亦安能爲君屈

銅僊淚

精衛填海海不竭媧皇補天天復裂諸天宮闕頓飄搖紫府仙人盡愁絕料

理移家住上清招搖風旆更西行就中誰唱家山破清淚銅僊滴到明

贈宋芝棟侍御

冥鴻已自翔寥廓元祐碑刊孰品題客裏鬢絲溷海上望中雲氣擁關西乘時

與幸航航讜論驚狐鼠漠漠窮秋厭鼓鼙莫觸哀吟成楚些天書容易下礮

谿

吳昌碩大令俊卿自吳門見貽詩幅賦此奉謝

覓醉黃花瘦啼秋白雁寒孤懷邈吳會詩夢破邯鄲倔彊開生面蕭寥餘古
歡饑腸轉轆轉好句欲千盤

劉烈母歌

烈母姓羅氏陝西洋縣人爲劉西堂廣文之室今上海丞繼廷二尹
之母也同治二年粵寇犯洋縣烈母與一妹一女同赴水死有司上
歌聞旌如例爰爲作

狼烽夜燭驪山臺鳴磬一旦潼關開五槍銅馬紛如駛斗大山城本難恃風

吹野火燒空巢離離白骨纏黃蒿嗟哉阿母何烈烈奮身誓葬蛟鼉窟取義
成仁德不孤轉使鬚眉慚大節空山一掬清冷淵湘波流恨同潺湲終南伐
石表荒阡丞兮丞兮忽聞烏哺心悽然蓼莪篇廢今何年

贈文道義學士

秦雲迢遞鬱千盤夢醒鈞天落照寒大澤波濤翻尺蠖神山風雨走孤鷺南
宗詞賦鄰騷雅西漢文章數治安撰轡靈脩如有慕肯令蕉萃到芳蘭

初春得河井荃廬仙耶江戶書卻寄

一髮扶桑天際看美人貽我碧琅玕劫灰乍斂春還寂海水橫飛書亦寒已
分南華迷夢蝶那堪東道與驂鸞沈吟伐石當時事腕底蛟龍定鬱蟠工

讀宋氏卑議

擾攘羣龍鬪大千忍看斜日下虞淵卷中妙論無多子直覩羲黃太古前

簡吳仲穆茂才世清

閒愁孤緒集春陰。搖落河山感不禁。禽慶祇思遊汗漫。馬周無夢到飛沈。流年已漸催華髮。舊雨誰堪印素心。苦憶樓遲巖壑日。凍雲寒吹事幽尋。

送結城治璞之姑蘇

莽莽神州物候新。恆河小劫化微塵。申屠未肯儕傭保。皇甫翻思與黨人。幸有深杯同坐月。悵難飛鳥伴尋春。胥臺聞道游麋鹿。回首瑤華涕泗頻。

柳

婀娜東風拂酒旗。絲絲殘照映漣漪。憐渠未到飄萍田。不信人間有別離。

送熊季廉茂才歸江西

浩浩天風拂豫章。偶因啼鴉感年芳。孤懷未肯崇原道。高論曾教續辨亡。有幾見幾見楚音來壑谷。卻憐幽抱託林塘。途遼日暮今何世。孺子亭邊好抗行。

冒鶴亭孝廉招飲天韻閣即席賦詩送陸彤士刑部入都鶴

亭南返

七月欲盡天微風。木樨亂發花叢叢。芝田別館峙城北。夷光鬢髯居牆東。綠

蘋小字擅詞翰。香君異代將母同。拂絃清怨入流水。嶧山竟有孤生桐。如皋

冒君舊詞客。薄暮走馬章臺中。華燈九穗耀白日。張筵折簡殊恩慙。須臾賓

客一時集。廣席八九相橫縱。方回詩壇好身手。惜哉末疾潛房櫳。方山未

至航航曹君。陸與吳質。北山狂歌擊鉢酣。笙鏞鯁生末座亦殊幸。懷鉛握

槩難爲功。主人逸興忽颺舉。蒲萄兀兀傾千鍾。復社往事二百載。座中歎少

侯朝宗。座中人且座有李香。祇惜少侯生。耳。榻來風會愈變易。五洲重譯相交

通塵塵亘古既難復。渺渺來葉將誰雄。改絃更張策良是。如聞萬歲呼高嵩。

泉流風發不容遏。瘦羊博士歌年豐。諸公才調濟時傑。燕馬北馭南飛鴻。明

日快意折楊柳。酒船拍浮甘長終。

孫次宣工部忘山廬雜詠

短垣修竹

千挺琅玕節。翛然趣獨殊。山陽聞笛後。愁對七賢圖。

急雨寒渠

猛雨響虛廊。疑有蛟龍泣。萬古一朝昏。奔流何太急。

遠樓斜日

危樓若飛隼。斜日耀崦嵫。待挽羲和駒。含情獨立時。

竹窗洗硯

濁世忌盛名。滌卻龍蛇字。秦灰有子遺。太息阿房事。

鶴亭部郎出示巢民先生菊飲倡和詩卷為賦長句

涼秋九月天。雨霜徑過逆旅登君堂。晨曦射牖照軒臥。邯鄲夢破炊黃粱。翩然入座恣譚笑。示我祕冊驚琳瑯。縱橫卷軸粲在眼。輒誇此福非尋常。就中一軸獨奇古。墨花黯澹餘芬芳。巢民先生舊詩卷。持杯正對籬花黃。頭童齒

豁困寒餓。彭澤晚節同慨慷。曩時意氣小天下。羣士走集如雲翔。百萬散盡

不足道。竄名黨籍為通亡。漢家青史紀任俠。直須列傳齊原嘗。百年烽燧照

江滸。典籍一炬倖咸陽。先生此卷竟完好。翔鸞妙蹟追張王。靈鷲市義頓返

璧。此卷為江建報京君問價奚止秦城價。冷香繪師好奇者寫生妙筆神洋洋。

金冷香山補圖角巾野服意閒暇。此中人世疑羲皇。願君寶此億萬劫。龍威呵護

名山藏。狂歌變徵淚沾臆。落日弔古天蒼涼。河山陳迹勿復論。咄嗟東海能

栽桑。

題胡蓉初夫人西湖雜詠

西泠水碧春風酣。新醅潑乳初盈甌。圖書一船載明月。有客打槳來湘南。

石頤美人娟娟拾芳草。詩懷萬頃澄江潭。錢王故觀在何許。南屏山色如堆

藍。宋家歌舞一時盛。銷金窩子千人耽。清涼居士老索窶。蹇驢得得頻幽探。

一朝白雁渡江水。可憐陳迹隨烟嵐。驪珠焜耀劫灰冷。六龍南邁曾停驂。

清漣池魚尙游泳。濠梁風味殊醴醴。疏鐘微聞鷗夢寂。一湖涼影搖松栢。吟
聲鶻聲暗相和。綺思乙乙抽春蠶。幽并奇氣久鬱積。黃絹妙語真能諳。卓哉
天女散花技。我今題句猶懷慙。山靈有知定相憶。六橋垂柳春毵毵。

送饒石頑舍人

智元

歸武昌

醉裏言愁始欲愁。夢回天地入清秋。權歌吳語聽來熟。客思并刀剪未休。落
日蒼茫看野馬。虛舟容與問沙鷗。武昌楊柳依然綠。不盡滔滔江漢流。

寄洪晴川丈秣陵

舊都宮闕自崔嵬。世路驚湍竟弗回。一代文章應有屬。百年憂患苦相摧。寰
中顧影憐風葉。客裏逢人借酒杯。蕭瑟江干問消息。冶城秋色獨徘徊。